

Zeitschrift: Il glogn : calender dil pievel : annalas per historia, litteratura e cultura romontscha
Band: 8 (1934)
Artikel: La caplutta de s. Carli sil con Munduan
Autor: Solèr, Leonard
DOI: <https://doi.org/10.5169/seals-881300>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 29.06.2025

ETH-Bibliothek Zürich, E-Periodica, <https://www.e-periodica.ch>

La caplutta de s. Carli sil con Mundaun

Tgi sa buc, ch'ei dat en nossas montognas grischunas cuolms e pézzas d'ina vista e d'in panorama, che lai veser ed admirar en grondius maletgs la bellezza della natira en ses cuolms e sias valladas? —

Mo aunc pli ch'autras pézzas ed aunc pli aultas en nossa tiara Rezia, porscha nies Péz-Mundaun (2065), era numnaus „Rigi Grischun“ in grondius e veramein admirabel aspect de cuolms e pézzas, de vitgs e valladas. — L'entira vallada dil Rein dal Badus entochen Landquart, l'entira biala Lumnezia vestgida ed ornada cun praus e pradas, vitgs ed uclauns stat a nus cheu giu da peis, daferton che nies egl admirescha il vast panorama de pézzas entuorn entuorn dal Badus al Calanda, dal Terri al Räticon. —

Ina terrassa pli bassa della pézza Mundaun, senumna Plaun-d'alp, ed ina tiarza Plaun-campialls. Il num Plaun-campialls po bein derivar dal fatg historic, ch'ils valerus umens de Lumnezia sut lur valent menader Walter de Belmont ein stai secampai cheu sin quei ault per cheu retscheiver e combatter igl inimitg, igl invasader Rudolf de Montfort cun sia sbiraglia ella victoriosa battaglia dils 17 de matg 1352, — durond che las valerusas Lumnezianas han embrugliau e spuentau igl inimitg a Porclas. — In aniversari a Pleif pils curdai en quella battaglia sil Mundaun, sco er' il privilegi de giuvnas e dunnaus de star leu da vart dretga en baselgia, confirmeschan quei victorius combat d'umens e femnas de Lumnezia. —

Aunc empau sut quei Plaun-campialls, sil con dil Mundaun stat oz la caplutta dedicata a sogn Carli Borromeus. —


Era dacheu anô gaud' ins in'oreifra vista sur vitgs e praus della Lumnezia, della Foppa e dil Plaun, serrai en dad in majestus tschupi d'aultas pezzas. Cu quella caplutta ei vegnida baghiada di l'istoria buc, e savein nus era buc'eruir ord ils mirs repetidaméin ligiai giu e cuvretgs. — Mo cun raschun suppona ins, che quella seigi vegnida eregida cheu, cuort suenter ch'igl arzuestg de Milaun, s. Carli Borromeus, ei staus 1581 sin viseta a Mustér e duei tenor la tradiziun dil pievel per siu retuorn a casa haver passau la veglia via sur quei con dil Mundaun a Morissen ad Uors, Val e da leu sul Cuolm-val en sia residenza a Milaun. — Nus astgein pia pretender che quella caplutta de s. Carli, il qual ei morts 1584 ed ei gia igl onn 1610 vegnius numnaus sogns da papa Paul V, seigi vegnida baghegiada cheu dals Lumnezians fideivels alla veglia cardientscha gia all'entschatta dil XVII tschentaner el temps della contra reformaziun, e dedicata a s. Carli en pietusa regurdientscha



Caplutta de s. Carli sil Mundaun (dador) fotogr. Heisch
(Il plevon, Sur Solèr, passa grad en caplutta!)

tschentaner vergau, e refrestgentan suon-
tai pelegrins e vi-
andonts lur ardenta
seit culla bun'aua
frestga ord la fon-
tauna de s. Carli leu
sut la caplutta.

La caplutta 6,5 m.
lada e 10 m. liunga
purtava pli baul
in cavalier per clutgè
cun in zennetpil sur-
vetsch divin, sco era
per dar avis a vi-
andonts e pelegrins.



Caplutta de s. Carli sil Mundaun.

fotogr: Gieli de Mont

de sia viseta e per enzen-
na d'engraziament al sogn
uestg de Milaun, il qual
haveva tarmess ils Segner-
paders capuciners en nos-
sa tiara Rezia e tras quels
fervents apostels della car-
dientscha mess tiarms all'
aschi numnada reforma-
ziun. — Quella caplutta de
s. Carli sigl ault con
(1606 m.) della veglia via
ella vasta val Lumnezia
po perquei valer — sco
autras capluttas en Sursel-
va — per tiarm e fortezia
encunter la nundueivla re-
forma della vera e divina
cardientscha de Christus.
Aunc oz mira perquei la
Lumnezia catolica cun cor
engrazieivel si tier siu pro-
tectur sogn Carli sill'aul-
ta spunda dil Mundaun
sigl ur ed ell'umbriva dil
bi uaul d'Escher, plontaus
leu els onns 74—90 dil

sepiars. — En siu interieur era la caplutta ornada cun in placheivel altaret baroc, il qual formava il rom d' in bi e pietus maletg de s. Carli, sco era cun maletgs e decoraziuns al secco sils mirs da mintga vart. — La biala caplutta silla veglia via sul cuolm en Lumnezia vegneva bein frequentada da pietus pelegriuns e veneraturs dil sogn uestg de Milaun e grond benefactor dil pievel retic, retscheveva e possedeve tenor cudisch vegl della caplutta — donaziuns e fundo en capital e beins schischents. —



Gia igl onn 1707 de-

Caplutta de s. Carli sil Mundaun (intern)

fotogr. Heisch

bitava Giachen Martin Collemberg alla caplutta de s. Carli 8 renchs, — 1714 Cavalier Wolf Montalta 10 renchs, — 1723 Mathias Caflisch aunc 41 renchs, e Gieli Paulet Camenisch 16 renchs.

Igl onn 1832 eran ugaus della caplutta de s. Carli: Caspar Antoni Caduff e Hercli Antoni Montalta e la caplutta possedeve ina facultad de 455 renchs en capital cun enzatgei beins schischonts leutier per impegn. — Tenor il medem cudisch ei pér igl onn 1868 Gieri Rudolf Caduff daventaus debiturs alla caplutta de s. Carli pil capital de 323 francs. — La caplutta possedeve pia ton ch'ella pudeva semantener. —

Mo sco il sogn arzuestg de Milaun ei staus fetg generus ed ha unfriu sia entira facultad per paupers, e caussas pias, ed els onns de fom e pupira a Milaun e contuorn era partiu sia davosa buccada paun culs paupers: aschia para ei, ch'era nossa caplutta de s. Carli seigi stada aschi generusa, ch'ella ha unfriu rehamein de sia pintga facultad per baghiar la baselgia parochiala a Morissen 1868, pertgei dapi lu ei la caplutta paupra e senza il pli necessari per viver e sevestgir. —

E tgei sto la paupra caplutta aunc veser? Ina sereina biala notg d'atun digl onn 1886 arriva dagl uaul siadora in giuven disturbaus da spért cun segir e zapun, rumpa en la porta, sfracc'ensemen e demolescha altar e bauns e tut altra mobilia, runa tocca de bauns e d'altar giuadora e fiera tala era sulla greppa giu. —

Tut surstai e fetg mal ein stai entgins parverseders vegnend la damaun speras ora e vesend quella devastaziun vandalica dil sanctuari. — E larmas han spons ils fideivels vegnend el liug, ed han bargiu e plirau cul bab bargent dil devastader e profanader dil carezau sanctuari de s. Carli. — Mo tgei far? Ei era l'ovra d'in malsau de spért il qual ha buca saviu tgei ch'el fetschi. Bein spért ein ils vischins de Morissen sefatgs vidlunder per puspei reparar e restaurar la caplutta de lur sogn protectur sigl ault con dil Mundaun. — Han cun lavur ed unfrenda ed ina donaziun dil generus bab dil devastader reparau empau igl interiur della caplutta e mess en in altar niev e bauns novs ed auter necessari mobiliar. — Igl altar ei ina sempla lavur d'in scriuari cul num Giachen Cajohen da Rumein. Enstagl dil vegl maletg de s. Carli ornescha oz mo ina statua dil sogn patrun-caplutta il sempel altar. — Il vegl maletg al secco sil mir da vart seniastra ei per part salvaus e per part cuvretgs culla ligiadura. — El representa la treidubla Baselgia. La Baselgia endironta, las olmas las qualas vegnan purificadas, pesadas el purgateri, la Baselgia militonta, ils fideivels el combat sin tiara, e la Baselgia triumfonta, ils beai en tschiel. — In'auter maletg silla medema vart rappresenta la regina dil s. rosari. — Quei ei in maletg de vut cull'arma (uopen) dils de Marmels — de Caduff, e las inizialas: J. G. V. C. — Autras decozaziuns dretg e seniester paran d'esser vegnidas curetgas tras ina ligiadura de pli tard. —

La paupra caplutta ella giuvna pleiv de Morissen ha fetg basegns d'ina totala restauraziun, interna ed externa, e serecomonda alla generusa beneficenza de pietus pelegrius e veneraturs dil sogn protectur sil tabor della biala val Lumnezia. —

Sur Leonard Solèr, plevon